

নওদায় মুখ্যমন্ত্রী পা রাখলে ত
‘উচিত শিক্ষা’ দেওয়ার ছ
দিয়েছিলেন তিনি। এমনকি প
প্রশাসনকে তোয়াক্কা না-করা
দিয়ে একাধিকবার শিগেদা
এসেছেন। তবে রাবাবা
সাংবাদিক বৈঠকে ক্ষোভ উ
দিত গিয়ে তিনি যে ভাষায় আ
দায়ের এফআইআ

শানিয়েছেন, তাকে নজিরবিহীন
মনে করছে রাজনীতিক মহল।
মুখ্যমন্ত্রীর ভীত আক্রমণ
হুমায়ুন দাবি করেন, পদে বসার
থেকেই শুভদ্রু নিজেকে সবে
ভাবছেন এবং রাষ্ট্রে সংখ্যাল
ওপর ক্রমাগত অত্যাচার চাল
হচ্ছে। বিধায়কের কথায়, ‘ক্ষম
বসে উনি চরম অহংকারী
উঠেনে।
চাইব, যত তাড়াতাড়ি সম্ভব গুঁর
ওপরে বাওয়ার চিকিৎ কেটে দে
হয়। অহঙ্কারের পটিক নিশ্চি
পৃথিবী ছেড়ে গুঁর যেতে হবে।’

প্রধানমন্ত্রীর ‘মন কি बात’ দেশের অগ্রগতির এক অনন্য রোডম্যাপ

নিজস্ব প্রতিবেদন, কলকাতা: প্রধানমন্ত্রী নরেন্দ্র মোদীর মাসিক বৈঠার অনুষ্ঠান ‘মন কি बात’-এর ১৩৮তম পর্ব শোনার পর নিজের সামাজিক যোগাযোগ মাধ্যম ‘এক্স’ হ্যাণ্ডলে বিশেষ বার্তা দেন পশ্চিমবঙ্গের মুখ্যমন্ত্রী শুভেন্দু অধিকারী। রবিবার কলকাতায় বিজেপির সর্বভারতীয় সভাপতি নীতিন নদীন, রাজ্য মন্ত্রিসভার সদস্য ও দলীয় বিধায়কদের সঙ্গে নিয়ে তিনি এই অনুপ্রেরণামূলক পর্বটি শোনেন। এরপরই এক্স হ্যাণ্ডলে একটি পোস্টে প্রধানমন্ত্রীর বক্তব্যের মূল বিষয়বস্তু ও দেশের অগ্রগতির রূপরেখা তুলে ধরেন তিনি। মুখ্যমন্ত্রী তাঁর পোস্টে উল্লেখ করেন, প্রধানমন্ত্রী মোদী সীমান্তপাড়ের সন্ত্রাসবাদের বিরুদ্ধে ভারতের অনমনীয় ‘জিরো টলারেন্স’ বা শূন্য-সহনশীলতা নীতির কথা পুনর্বাক্ত করেছেন। ২০১৬ সালের ঐতিহাসিক সার্জিক্যাল স্ট্রাইক, ২০১৯ সালের বালাকোট এয়ার স্ট্রাইক থেকে শুরু করে সাম্প্রতিক

এক্স হ্যাণ্ডলে বার্তা মুখ্যমন্ত্রী শুভেন্দুর



‘অপারেশন সিদ্ধুর’, সব ক্ষেত্রেই ‘নতুন ভারত’ স্পষ্ট বার্তা দিয়েছে যে, দেশের সার্বভৌমত্ব রক্ষায় যেকোনো আপসহীন ও কঠোর পদক্ষেপ নিতে ভারত প্রস্তুত।

এদিনের পর্বে বাংলার সুন্দরবনের লড়াইকে নারীদের অবদানের কথা বিশেষভাবে উঠে আসায় গভীর আবেগ প্রকাশ করেন মুখ্যমন্ত্রী শুভেন্দু অধিকারী। এক্স পোস্টে তিনি

লেখেন, সুন্দরবনের প্রতিকূলতাকে জয় করে সেখানকার নারীরা যেভাবে উপকূলীয় ক্ষয় ও ঘূর্ণিঝড় রুখতে ম্যানগ্রোভ রোপণ অভিযান চালাচ্ছেন, তা সত্যিই প্রশংসনীয়।

দক্ষিণবঙ্গে দুর্যোগের মেঘ কেটে আকাশে-বাতাসে শরতের আমেজ

নিজস্ব প্রতিবেদন, কলকাতা: মেঘের ঘনঘটা সরিয়ে নীল আকাশে শুভ মেঘের আনাগোনা। পূজো আসার মুখেই আবহাওয়ার এই চিরচেনা রূপ পেতে চাতকের মতো অপেক্ষা করছিল বাংলা। অবশেষে সেই স্বস্তির বার্তা দিল আলিপুর আবহাওয়া দপ্তর। বঙ্গোপসাগরে ঘনীভূত নিম্নচাপের প্রভাবে গত কয়েক দিন ধরে কলকাতা ও তার পার্শ্ববর্তী অঞ্চল সহ দক্ষিণবঙ্গের প্রায় সর্বত্রই চলেছে দক্ষায় দক্ষায় ভারী বৃষ্টি আর ঝোড়ো হাওয়ার তাণ্ডব। ফলে উৎসবের প্রাক্কালে বেশ চিড় খেয়েছিল বঙ্গবাসীর মেজাজে। তবে আলিপুর আবহাওয়া দপ্তর জানাচ্ছে, সেই চরম আশঙ্কার দিন আপাতত পার হয়েছে। রাজ্যের আকাশ থেকে সরছে কালমেঘ, ফের মাথা তুলে দাঁড়াচ্ছে রোদেলা আবহাওয়া। বর্ষার বিদায়বেলায় যেন স্পষ্ট হয়ে উঠছে শরতের নিজস্ব স্নিগ্ধ আগমনী অনুভূতির ছাপ।

আবহাওয়ার এই আকস্মিক পরিবর্তনের নেপথ্যে রয়েছে নিম্নচাপের গতিপথের পরিবর্তন। ওড়িশা ও অন্ধ্রপ্রদেশ উপকূলে শক্তি সঞ্চয় করে যে গভীর নিম্নচাপটি দাপট দেখাচ্ছিল, তা আগেই কিছুটা শক্তি হারিয়ে সাধারণ নিম্নচাপে রূপ নিয়েছিল। পরবর্তী সময়ে সেটি আরও উত্তর-পশ্চিম অভিমুখে অগ্রসর হয়ে বর্তমানে মধ্যপ্রদেশ ও ছত্তিশগড় সীমানায় অবস্থান করছে। হাওয়া অফিসের পূর্বাভাস, রবিবার



এই আবহাওয়া ব্যবস্থাটি আরও দুর্বল হয়ে শ্রেফ একটি সাধারণ নিম্নচাপ অঞ্চলে পরিণত হয়। এর প্রভাবে ছত্তিশগড় এবং তার সংলগ্ন এলাকাগুলিতে বৃষ্টিপাত অব্যাহত থাকলেও, পশ্চিমবঙ্গের ওপর এর আর কোনও সরাসরি প্রভাব পড়বে না। অর্থাৎ, টানা ভারী বর্ষণ বা আচমকা ঝড়ের দুর্যোগের যে আশঙ্কা কাঁপিয়ে তুলছিল দক্ষিণবঙ্গকে, তা পুরোপুরি কেটে গিয়েছে বলা চলে। তবে দুর্যোগ থামার অর্থ এই নয় যে বর্ষা এখনই পুরো পাট গুটিয়ে পাততাড়ি গুটিয়েছে। হাওয়া অফিস স্পষ্ট করে দিয়েছে, দেশ থেকে বর্ষার মরশুম এখনও আনুষ্ঠানিকভাবে বিদায় নয়নি। ফলে আগামী প্রায় এক সপ্তাহ জুড়ে উত্তর ও দক্ষিণবঙ্গের বিভিন্ন জেলায় হালকা

থেকে মাঝারি ধরনের বৃষ্টিপাত বিক্ষিপ্তভাবে চলাতেই পারে। শহরের আকাশে সাময়িক রোদের দেখা মিললেও আচমকা এক-দু’ পশলা বৃষ্টি ভিজিয়ে দিতে পারে পথঘাট। তবে স্বস্তির খবর এটাই যে, অতি ভারী বৃষ্টি বা নতুন করে দুর্যোগ তৈরি হওয়ার কোনও ঝুঁকি নেই। জেলাগুলিতে আবহাওয়া পরিস্থিতি স্বাভাবিক হওয়ার সংকেত মিলতেই স্বস্তি ফিরেছে উপকূলীয় এলাকাগুলিতেও। উত্তাল সমুদ্র শান্ত হওয়ায় মৎস্যজীবীদের জন্য জরি করা নিষেধাজ্ঞা তুলে নিয়েছে প্রশাসন। রবিবারের পর থেকে গভীর সমুদ্রে মাছ ধরতে যাওয়ার ক্ষেত্রে আর কোনও আইনি বাধা থাকবে না।

বৃষ্টি থামার সঙ্গে সঙ্গেই স্বাভাবিক ছন্দে ফিরতে শুরু করবে শহরের পারদণ্ড। হাওয়া অফিসের দেওয়া হিসাব অনুযায়ী, রবিবার সকালে কলকাতার সর্বনিম্ন তাপমাত্রা নথিভুক্ত হয়েছে ২৭ ডিগ্রি সেলসিয়াস, যা মরশুমের স্বাভাবিক মাত্রার চেয়ে মাত্র ১ ডিগ্রি বেশি। অন্যদিকে, শনিবার টানা বৃষ্টির কারণে শহরের সর্বোচ্চ তাপমাত্রা বেশ কিছুটা নেমে গিয়ে ৩০.৬ ডিগ্রি সেলসিয়াসে পৌঁছেছিল, যা স্বাভাবিকের চেয়ে প্রায় ১.৯ ডিগ্রি কম। আবহাওয়া অধিকারিকদের আশা, আকাশ পরিষ্কার হতেই শহরের তাপমাত্রা দ্রুত স্বাভাবিক সীমায় ফিরে আসবে।

আতপুর ভাত্ সংঘের পুজোর থিম স্বর্ণমহলে সবচেয়ে বড় দুর্গা



নিজস্ব প্রতিবেদন, ব্যারাকপুর: বাঙালির প্রাণের উৎসব দুর্গাপূজো। আর দুর্গাপূজো মানেই এখন থিমের লড়াই। ভাটপাড়া পুরসভার ২০ নম্বর ওয়ার্ডের আতপুর আড়সংঘ দর্শক টানতে প্রতি বছরই নিতা নতুন শিল্পকলা তারা তুলে ধরেন। ভাত্ সংঘের ৫১ তম বর্ষের থিম ‘স্বর্ণমহলে সবচেয়ে বড় দুর্গা’। পুজোর ট্যাগ লাইন, ‘এবার মাকে দেখতে চোখ নয়, মাথাটাও উঁচু করতে হবে। বার্শ, প্রাই দিয়ে স্বর্ণমহলের আদলে মণ্ডপ সজ্জা ফুটিয়ে তোলা হচ্ছে। আতপুর ভাত্ সংঘের সভাপতি রজত মৈত্র জানান,

এবারে তাঁদের পূজো ৫১ তম বর্ষে পদার্পণ করেছে। পুজোয় থাকছে সাবেকিয়ানার ছোঁয়া। মা নিজেই এখানে আসছেন। তাঁর দাবি, এখানে শিল্পাঞ্চলের হুকে তাঁদের প্রতিমাই সবচেয়ে বড় হবে। রজত বাবু আরও জানান, মণ্ডপের উচ্চতা হবে ৭৫ ফুট। প্রস্থ হবে ৮২ ফুট। বেদি-সহ প্রতিমার উচ্চতা ২১ ফুট। তাই দর্শকদের মাথা উঁচু করেই মা-কে দেখতে হচ্ছে। রজতের ধারণা, আলোর রোশনাই আর কাল্পনিক ভাবনার চাদরে মোড়া মণ্ডপ এবং প্রতিমা দেখতে দর্শনার্থীদের ভিড় উপচে পড়বে।

ফের হামলার মুখে কুণাল, থানায় অভিযোগ দায়ের

নিজস্ব প্রতিবেদন, কলকাতা: ফের হামলার মুখে বেলেঘাটার তৃণমূল বিধায়ক কুণাল খোষা। ২৪ ঘণ্টার ব্যবধানে পরপর দু’দিন তাঁর ওপর আক্রমণের ঘটনায় তীব্র চাঞ্চল্য ছড়াল রাজ্য রাজনীতিতে। শনিবার হুগলির উত্তরপাড়ার পর রবিবার সকালে বেলেঘাটার বিধায়কের গাড়ি ঘিরে হামলা চালানোর পাশাপাশি তাঁকে প্রাণনাশের হুমকি দেওয়ার অভিযোগ উঠেছে। পরিস্থিতির গুরুত্ব বুঝে কুণাল ঘোষের নিরাপত্তারক্ষীরা আয়োজন বের করতে বাধ্য হন। এরপর দৃষ্টিভারের হাত থেকে রক্ষা পেতে শেষমেশ নারকেলডাঙা থানায় ঢুকে প্রাণ বাঁচান বিধায়ক। এই পুরো ঘটনার পেছনে ভারতীয় জনতা পার্টি এবং তৃণমূলত্যাগী একদল দৃষ্টিভার জড়িত বলে অভিযোগ করেছেন তিনি। যদিও বিজেপি এই অভিযোগ সম্পূর্ণ ভিত্তিহীন বলে উড়িয়ে দিয়ে শাসকদলের অন্তর্দ্বন্দ্বকেই দায়ী করছে।



কিছু দৃষ্টিভার রিভলভার উচিয়ে তাঁর গাড়ি ধাওয়া করতে শুরু করে। নারকেলডাঙার কাছে আচমকাই বাইকবাহিনী কুণাল ঘোষের গাড়ি পৌঁছে লিখিত অভিযোগ দায়ের দাঁড়ায়। দক্ষিণ ভারতীয় অ্যাকশন সিনেমার কায়দায় হামলাকারীরা গাড়ির সামনের ও পেছনের কাচ লক্ষ্য করে পাথর ছুঁড়তে থাকে। এমনকী হাতুড়ি দিয়ে গাড়ির কাচ ভাঙার চেষ্টাও চালানো হয়। দৃষ্টিভার গাড়ির দরজা খুলে জামার কলার ধরে বাইরে টানার চেষ্টা করে বলে দাবি বিধায়কের। প্রাণ সংশয়

দেখে কুণালবাবুর নিরাপত্তারক্ষীরা রিভলভার বের করতেই দৃষ্টিভার কিছুটা পিছু হটে। এই সুযোগে গাড়ি নিয়ে স্টান নারকেলডাঙা থানায় পৌঁছে লিখিত অভিযোগ দায়ের করেন তৃণমূল বিধায়ক। এরপর নারকেলডাঙা থানার সামনে দাঁড়িয়ে কুণালবাবু ক্ষোভ উগরে আগের দিন অর্থাৎ শনিবারও শ্রীরামপুরে প্রাক্তন মুখ্যমন্ত্রী মমতা বন্দ্যোপাধ্যায়ের জনসভায় যাওয়ার পথে হুগলির উত্তরপাড়ায় কুণালবাবুর ওপর হামলা চালানো হয়েছিল। সেই সময় তাঁর গাড়ি

না।’ বিজেপির দিকে সরাসরি আঙুল তুলে তিনি যোগ করেন, ‘বিজেপি ও বিজেপি থেকে আসা কিছু লোক পরিকল্পিতভাবে এই আক্রমণ চালাচ্ছে। মমতা বন্দ্যোপাধ্যায়ের সৈনিকদের এভাবে ভয় দেখিয়ে থামানো যাবে না।’

উল্লেখ্য, এই ঘটনার ঠিক আগের দিন অর্থাৎ শনিবারও শ্রীরামপুরে প্রাক্তন মুখ্যমন্ত্রী মমতা বন্দ্যোপাধ্যায়ের জনসভায় যাওয়ার পথে হুগলির উত্তরপাড়ায় কুণালবাবুর ওপর হামলা চালানো হয়েছিল। সেই সময় তাঁর গাড়ি

লক্ষ্য করে রড ও পাথর দিয়ে আক্রমণ চালানো হয়, ছোড়া হয় ডিমও। সেই ঘটনার পর কুণালবাবু স্টান ভবানী ভবনে গিয়ে পুলিশের নিষ্ক্রিয়তার বিরুদ্ধে প্রতিবাদ জানান এবং উত্তরপাড়া থানায় ইহলে অভিযোগ পাঠান। রবিবার কুণালবাবু দাবি করেন, শনিবারের হামলায় যুক্ত অভিযুক্তদের সঙ্গে বিজেপি বিধায়কের ছবি তিনি নিজের সামাজিক যোগাযোগ মাধ্যমে প্রকাশ করে প্রমাণ দিয়ে দিয়েছেন।

অন্যদিকে বিজেপির তরফে সমস্ত অভিযোগ অস্বীকার করা হয়েছে। দলের মুখপাত্র দেবজিৎ সরকার বলেন, ‘একজন জনপ্রতিনিধির ওপর এ ধরনের আক্রমণ কখনই সমর্থনযোগ্য নয়। তবে এই ঘটনার সঙ্গে বিজেপির দূরদূরান্তেও কোনও যোগাযোগ নেই। এটা তৃণমূলের নিজস্বের গোষ্ঠীদ্বন্দ্বের ফল। নিজস্বের বামেলো অন্যের ওপর চাপানোর চেষ্টা করছেন বিধায়ক।’ একই সুর শোনা গিয়েছে বিজেপি সাংসদ রাল্লু সিনহার গলাতেও। ঘটনার পর নারকেলডাঙা থানার পুলিশ তদন্ত শুরু করেছে এবং এলাকার সিসিটিভি ফুটেজ খতিয়ে দেখে দৃষ্টিভারের শনাক্ত করার চেষ্টা চলেছে।

দলের পতাকা হাতে তোলাবাজি করলে থ্রেপ্তার করন, পুলিশকে বার্তা শমীকের

নিজস্ব প্রতিবেদন, কলকাতা: রাজ্যে ক্ষমতা পরিবর্তনের পর থেকেই তোলাবাজি ও দলবিরোধী কাজের বিরুদ্ধে কড়া অবস্থান বজায় রাখছে রাজ্য বিজেপি। এবার দলের নাম ভাঙিয়ে কারখানায় চাঁদাবাজির বিরুদ্ধে চরম ঝঁশিয়ারি দিলেন রাজ্য বিজেপি সভাপতি শমীক ভট্টাচার্য। তিনি স্পষ্ট জানান, ভারতীয় জনতা পার্টির কোনো শ্রমিক সংগঠন নেই। ফলে কেউ যদি দলের পতাকা হাতে নিয়ে কিংবা আবার মেয়ে কারখানার গেটে তোলাবাজি করতে যায়, তবে পুলিশ যেন তাকে সরাসরি থ্রেপ্তার করে। এভাবেই রাজ্যে রাজ্য বিজেপির নামে যারা তোলাবাজি করছে, তাদের বিরুদ্ধে রাজ্য বিজেপি সভাপতি এই কড়া বার্তা দেন। তিনি অভিযোগ করেন, ডানকুনি ও তার সংলগ্ন বিস্তীর্ণ শিল্পাঞ্চলে কিছু মানুষ হঠাৎ করে ‘৪ ঘণ্টার বিজেপি’ সেজে দলের পতাকা নিয়ে ঘুরছে এবং বিভিন্ন কারখানায় গিয়ে কুকীর্তি চালাচ্ছে। শমীক ভট্টাচার্য সাফ



জানান, এই সব সমাজবিরোধী মানুষের সঙ্গে ভারতীয় জনতা পার্টির দূর-দুরান্তের কোনো সম্পর্ক নেই। প্রশাসনের দায়িত্ব মনে করিয়ে দিয়ে রাজ্য সভাপতি বলেন, আমরা দায়িত্ব নেওয়ার পর থেকেই তোলাবাজি, হিংসা ও সমাজবিরোধী কার্যকলাপের বিরুদ্ধে জিরো টলারেন্স নীতি গ্রহণ করেছি। ইতিপূর্বেও বহু মানুষকে থ্রেপ্তার করা

হয়েছে। তিনি আরও স্পষ্ট করে বলেন, দলের কোনো পুরনো বা প্রকৃত কন্নী যদি এই ধরনের অপরাধে জড়িয়ে পড়েন, তবে দলগতভাবেও তার বিরুদ্ধে কঠোর শাস্তিমূলক পদক্ষেপ নেওয়া হবে। রাজ্যে ক্ষমতায় আসার চার মাস পরেও যে দল তোলাবাজির সংস্কৃতির বিরুদ্ধে অনড়, আজ শমীকের এই মন্তব্যেই তা আরও একবার স্পষ্ট হল।

বাণ্ডইআটিতে উদ্ধার ১ কোটি ২০ লক্ষ টাকার নিষিদ্ধ কাফ সিরাপ, থ্রেপ্তার চক্রের মাথা

নিজস্ব প্রতিবেদন, কলকাতা: রাজ্যে মাদকের কারবার রুখতে এবং নেশামুক্ত বাংলা গড়ার লক্ষ্যে প্রশাসনিক নজরদারি ও ধারাবাহিক পুলিশ অভিযান আরও জোরদার করা হয়েছে। শনিবার বাণ্ডইআটির একটি ওষুধের গুদামে তল্লাশি চালিয়ে প্রায় ৩৪ হাজার বোতল নিষিদ্ধ কাফ সিরাপ বাজেয়াপ্ত করে পুলিশ। উদ্ধার হওয়া এই বিপুল পরিমাণ কাফ সিরাপের আনুমানিক বাজারমূল্য ১ কোটি ২০ লক্ষ টাকারও বেশি। এই ঘটনার পেছনে একটি বড়সড় আন্তঃরাজ্য পাচার চক্র সক্রিয় রয়েছে বলে ধারণা তদন্তকারীদের।

পুলিশ সূত্রে খবর, গোপন সূত্রে নির্দিষ্ট তথ্য পেয়ে শনিবার সকালে বাণ্ডইআটি থানার একটি দল নারায়ণতলা পশ্চিমের একটি ওষুধের গুদামে আচমকা হানা দেয়। দীর্ঘদিন ধরেই ওষুধ ব্যবসার



আড়ালে এখানে বেআইনিভাবে কাফ সিরাপ মজুত ও পাচার করা হচ্ছিল বলে অভিযোগ। পুরো গুদামটি শিল করে দেওয়া হয়েছে এবং বিপুল পরিমাণ নিষিদ্ধ সিরাপ বাজেয়াপ্ত করে থানায় নিয়ে যাওয়া হয়েছে। এই বেআইনি চক্রের মূল পাভাকে আটক করে জিজ্ঞাসাবাদ শুরু করেছেন তদন্তকারীরা। উদ্ধার হওয়া কফ সিরাপগুলি কোথায় পাঠানোর পরিকল্পনা ছিল, তা খতিয়ে দেখা হচ্ছে।

সমাজকে মাদকমুক্ত করতে সরকারের তরফে ইতিমধ্যেই জিরো টলারেন্স নীতি গ্রহণ করা হয়েছে। কয়েক দিন আগেই নিউটাইনের একটি বিশেষ কর্মসূচিতে লক্ষাধিক নিষিদ্ধ কাফ সিরাপের বোতলের ওপর বুলডোজার চালানো হয়েছিল। প্রশাসনিক সূত্রে সাফ জানিয়ে দেওয়া হয়েছে, যে কোনো মূল্যে যুবসমাজকে এই নেশার জাল থেকে রক্ষা করতে হবে। একই সঙ্গে কেন্দ্রীয় স্বাস্থ্য মন্ত্রক ও রাজ্য মাদক নিয়ন্ত্রণ ব্যুরোর নির্দেশিকা অনুযায়ী, ডাক্তারের বৈধ প্রেসক্রিপশন ছাড়া কেমিস্টদের কোনোভাবেই নির্দিষ্ট ধরনের কাফ সিরাপ বিক্রি না করার কড়া বার্তা দেওয়া হয়েছে। বেআইনি এই ব্যবসার মূল জোগান বন্ধ করতে রাজ্যজুড়ে পুলিশের এই বিশেষ অভিযান অব্যাহত থাকবে বলে পুলিশ প্রশাসন সূত্রে জানা গেছে।



প্রধানমন্ত্রী নরেন্দ্র মোদীজির জন্মদিন এবং তাঁর রাজনৈতিক জীবনের ২৫ বছর পূর্তি উপলক্ষে গোটা দেশ জুড়ে একমাসব্যাপী সেবা সংকল্প অভিযান চলাচ্ছে। সেই সেবা সংকল্প অভিযানের অঙ্গ হিসেবে আজ গারুলিয়ার পিনকল মেডে পথ নিরাপত্তা সপ্তাহ পালন অনুষ্ঠানে উপস্থিত হলেন পরিবহণ ও শ্রমমন্ত্রী অর্জুন সিং। উক্ত অনুষ্ঠানে হাজির ছিলেন প্রাক্তন বিধায়ক সুশীল সিং, দলের ব্যারাকপুর জেলার সম্পাদক কুন্দন সিং, এসিপি ট্রাফিক (নর্থ) সজল মাভি, আতপুর ট্রাফিক গার্ডের অধিকারিক সুরেন্দ্র মণ্ডল, নোয়াপাড়া থানার আইসি সৌমা দত্ত, গারুলিয়া পুরসভার এক্সিকিউটিভ অফিসার-সহ অন্যান্যরা।

২৮-এর বদলে ৩০ দিনের রিচার্জ প্ল্যান আনছে টেলিকম সংস্থা ভয়েস-এসএমএসেও নতুন বিকল্প

নিজস্ব প্রতিবেদন, কলকাতা: প্রিপেড মোবাইল পরিষেবায় ২৮ দিনের বদলে ৩০ দিনের রিচার্জ প্ল্যান চালুর ব্যবস্থা কার্যকর হতে চলেছে। নতুন নিয়ম কার্যকর হলে ১২ মাসে ১৩ বার রিচার্জ করার বদলে বছরে ১২ বার রিচার্জ করেই পরিষেবা পাওয়া যাবে। বিজেপি সাংসদ রাঘব চাড্ডা রবিবার এই সিদ্ধান্তের কথা জানান। এদিন রাঘব চাড্ডা সোশ্যাল মিডিয়ায় জানান, কেন্দ্র টেলিকম কর্নজিউমার প্রোটেকশন রেগুলেশন ২০২৬ চালু করছে। তাঁর দাবি, এর ফলে প্রয়োজন না থাকলে ওই গ্রাহককে ডোটার জন্য টাকা দিতে হবে না। এই সিদ্ধান্তে কম খরচে নিজস্বের প্রয়োজন অনুযায়ী পরিষেবা নেওয়ার সুযোগ পাবেন গ্রাহকেরা।

করলে এক বছরে ১৩ বার রিচার্জ করার প্রয়োজন হত। ৩০ দিনের প্ল্যান চালু হলে সেই অতিরিক্ত রিচার্জের প্রয়োজন থাকবে না। প্রতি মাসের সঙ্গে মিলিয়ে ৩০ দিনের পরিষেবা পাওয়ার সুযোগ পাবেন গ্রাহকেরা। এছাড়াও, যারা শুধু ডেটা ব্যবহার করেন না বা খুব কম করেন, তাঁদের জন্যও এবার নতুন ব্যবস্থা রাখা হচ্ছে। শুধু ফোন করা এবং এসএমএস পাঠানোর জন্য আলাদা ভয়েস ও এসএমএস প্ল্যান চালু করার কথা বলা হয়েছে। ফলে প্রয়োজন না থাকলে ওই গ্রাহককে ডোটার জন্য টাকা দিতে হবে না। এই সিদ্ধান্তে কম খরচে নিজস্বের প্রয়োজন অনুযায়ী পরিষেবা নেওয়ার সুযোগ পাবেন গ্রাহকেরা।

এক্ষেত্রে রাঘব চাড্ডার বক্তব্য, মোবাইল রিচার্জের বিভিন্ন প্ল্যান নিয়ে সাধারণ মানুষের কাছ থেকে তিনি একাধিক অভিযোগ পেয়েছিলেন। এই বিষয়টি তিনি স্বস্বদেও তুলেছিলেন। গত ১১ মার্চ সংসদে প্রশ্ন তুলে গ্রাহকদের জন্য আরও বেশি পছন্দ এবং সাশ্রয়ী রিচার্জের সুযোগ দেওয়ার দাবি জানিয়েছিলেন বলে রবিবার জানান রাঘব চাড্ডা। নতুন নিয়ম ঘোষণার পরে কেন্দ্রীয় সরকার এবং টেলিকম রেগুলেটরি অথরিটি অফ ইন্ডিয়াকে ধন্যবাদ জানান তিনি। তাঁর বক্তব্য, নতুন ব্যবস্থায় গ্রাহকেরা নিজস্বের প্রয়োজন অনুযায়ী রিচার্জ প্ল্যান বেছে নেওয়ার আরও সুযোগ পাবেন।

সম্পাদকীয়

দিশেহারা, কোণঠাসা মমতা
এখন কড়া নাড়ছেন
সিপিএমের দরজাতেও

হ্যাঁ, এটাই শুধু বাকি ছিল, এবার সেটাও দেখে ফেলল বঙ্গবাসী। রঙ্গ ভরা বঙ্গ রাজনীতিতে এবার নয়া এপিসোড। সিপিআইএমের দরজায় কড়া নাড়ছেন কে? হ্যাঁ, তাঁর নাম মমতা বন্দ্যোপাধ্যায়। না, ভুল পড়ছেন না। নিজের তৈরি করা ‘ফ্লান্কেনস্টাইন’-এর হাতে সব খুঁিয়ে আজ নিঃশ্ব মমতা বন্দ্যোপাধ্যায় সেই সিপিএমেরই হাত ধরতে চলেছেন। কোন সিপিএম? যে সিপিএম বিরোধী রাজনীতির আঁতুরঘর থেকে তিনি উঠে এসেছেন, যে সিপিএমের ৩৪ বছরের শাসনের অবসান ঘটানো ছিল তাঁর রাজনীতির ব্র্যাণ্ড, একদা ব্রিগেড প্যারেড গ্রাউন্ডে যে সিপিএমের মৃত্যু ঘটা বাজিয়েছিলেন তিনি, যে বাম জমানকে সমূলে উৎখাত করতে তিনি কংগ্রেসের ঘর ভেঙে আশ্রয় নিয়েছিলেন বিজেপির ঘরে, সেই মমতাই আজ সিপিএমের দরজায়! কেন, সিম্পল। এবার যে বিজেপিকে হঠাতে হবে। তিন দশক পেরিয়ে এসে তাঁর বোধোদয় হল! সতিই তো বড় ভুল হয়ে গেছে! তাই এবার ভুল সংশোধন করতে নেমে পড়েছেন তিনি। একেই বলে বিলম্বিত বোধোদয়! একদা যে ইন্ডি জোট (না, পিণ্ডি জোট) নিয়ে নানারকম শর্ত দিতেন তিনি তাঁর দলের সবজাস্তা মুখপাত্ররা, সে সব কী তবে ভুলে গেলেন বাংলার জননেত্রী? তিনি ভুলে গেলেও বাংলার মানুষ ভোলেনি। এমএ বেবি সিপিআইএমের দায়িত্ব পাওয়ার পর আপনার দল বলেছিল, সিপিএম তো ক্রমশ ছোট হচ্ছে, তাই ‘ছোট’ বা বেবি সাধারণ সম্পাদক নিয়োগ করেছে। নিয়তির কী পরিহাস! আজ সেই বেবির ফোনেই অক্সিজেন খুঁজছেন বাংলার জননেত্রী থেকে কালীঘাটের নেত্রী হয়ে যাওয়া মমতা। বাস্তবতা হল, কুর্সি খুঁিয়ে, দলের নাম খুঁিয়ে, প্রতীক খুঁিয়ে, সহকর্মীদের খুঁিয়ে দিশেহারা, কোণঠাসা একদা বাংলার অধিকন্যা আজ চোঁরা সাপে পরিণত হয়েছেন। তাই নিজেকে প্রাসঙ্গিক রাখতে কখনও কংগ্রেস, কখনও সিপিএমকে ধরে অক্সিজেন খুঁজছেন। তা তিনি খুঁজুন, কোনও সমস্যা নেই, কিন্তু বাংলার মানুষ ওনার এই ধাপ্লাবাজি অনেক আগেই ধরে ফেলেছে। আর সেটা বুঝেই তিনি ও তাঁর দলকে ঢাকিগুদ্ধ বিবর্জন দিয়ে দিয়েছে। যেখান থেকে ফেরার আশা, নেহাতই দূরাশা।

শব্দছক ২৮১								রবি দাস
১		২		৩			৪	
৫	৬						৭	
৮			৯		১০			
		১১			১২			
	১৩			১৪				১৫
১৬			১৭				১৮	
১৯					২০			
		২১						

পাশাপাশি: ২. আগ্রত ৫. ছয় ধাতুর সর্বশেষটি ৭. বার্ষিক ৮. রাধা ৯. একসঙ্গে অনেকজনের বিবাহ অনুষ্ঠান ১১. সব ১২. পুস্তক ১৩. পাঞ্জাবের পাঁচ নদীর একটি ১৪. বেণু ১৬. কাকের নিজস্ব অবস্থান অঞ্চল ১৮. পিতা ১৯. আয় ২১. আফ্রিকার মরুভূমি ২১. পছন্দসই

ওপর-নিচ: ১. আশ্বিনের শুক্লপক্ষে নয় তিথি নিয়ে পালনীয় ব্রত ২. শেষ ৩. অলঙ্কার ৪. শুয়ার ৬. মহিলার মহিলা বান্ধবী ৭. কসাই দ্বারা নৃশংসে জীবহত্যা ৯. অহঙ্কার ১০. অবশ ১১. সূর্য ১৩. গাথা ১৪. বক্র ১৫. অন্যান্য ১৬. মুক্তি ১৭. গোপন করা ১৮. বাহবা ২০. পৃথিবীতে সমুদ্রের সংখ্যা

সমাধান ২৮০ — পাশাপাশি: ১. বায়স ৩. শাকাহারি ৪. কাজল ৫. পাতিকা ৭. নদী ১০. কদু ১২. কাকভোর ১৪. তাম্বুরা ১৫. জলাঞ্জলি ১৬. নির্দোষ

ওপর-নিচ: ১. বাবাদান ২. সকাল ৩.ত শাকপাতা ৬. কায়িক ৮. দীপক ৯. করতালি ১১. দূরাভাষ ১৩. পারানি

আজকের দিন

■ ১৯০৭ — ভারতের অন্যতম প্রভাবশালী ও শ্রদ্ধেয় স্বাধীনতা সংগ্রামী ভগত সিং-এর জন্মবার্ষিকী।

■ ২০১৫ — নাসা ঘোষণা করে যে, তাদের ‘মার্স রিকনইসাল অরবিটার’ মঙ্গলে উষ্ণ ঋতুতে তরল জলের প্রবাহের জোরালো প্রমাণ পেয়েছে।



জন্মদিন

১৯২৯ বিশিষ্ট সঙ্গীতশিল্পী লতা মঙ্গেশকরের জন্মদিন।
১৯৪৪ বিশিষ্ট চলচ্চিত্রাভিনেতা রঞ্জিত মল্লিকের জন্মদিন।
১৯৮২ বিশিষ্ট চলচ্চিত্রাভিনেতা রণবীর কাপুরের জন্মদিন।

লতা মঙ্গেশকর



সম্পাদকীয়

অঙ্ক বড়, চ্যালেঞ্জও বড়
প্রতিশ্রুতি পূরণেই আসল সাফল্যের হিসাব

কণাদ দাশগুপ্ত

বাংলায় শিল্প আসছে, এই বাক্যটি শুনতে যতটা স্বস্তির, তার পরের প্রশ্নটি ততটাই কঠিন। কতটা আসছে, কতটা হচ্ছে, আর শেষ পর্যন্ত কতটা থাকবে বাংলার ঘরে? এই রাজ্য ঘোষণার অভাব কখনও দেখেনি। শিল্পের প্রতিশ্রুতি এসেছে, জমির কথা উঠেছে, শিলান্যাস হয়েছে, বহু ক্ষেত্রে তার পরে প্রকল্পের চাকা থেমেছে। তাই নিউ টাউনে আদানি গোষ্ঠীর ২,০০০ শয্যার হাসপাতালের ভিত্তিপ্রস্তর স্থাপনের বিষয়টি নিছক উৎসবের বিষয় ছিলনা। এটি ছিল একই সঙ্গে একটি সুযোগ এবং সরকারের জবাবদিহির পরীক্ষা। কারণ হাসপাতালটি বাস্তবায়নের পথে, কিন্তু বিদ্যুৎকেন্দ্র, বন্দর, বিমানবন্দর বা রিং রোডের মতো কয়েকটি প্রস্তাব এখনও আগ্রহ, সমীক্ষা কিংবা আলোচনার স্তরে। সম্ভাবনাকে বাস্তবায়ন বলে চালিয়ে দেওয়ার পুরনো ভুল যেন এবার না হয়।

‘আদানি আরোগ্য মন্দির’ আপাতত সবচেয়ে দৃশ্যমান প্রকল্প। নিউ টাউনের অ্যাকশন এরিয়া-২-এ প্রায় ৫১ একর জমিতে ২,০০০ শয্যার হাসপাতালটি তৈরি হওয়ার কথা। বিনিয়োগ ২,৫০০ কোটি টাকার বেশি। সরকারের দেওয়া তথ্য অনুযায়ী, ১,০০০ শয্যা আর্থিক ভাবে দুর্বল রোগীদের বিনামূল্যে চিকিৎসার জন্য রাখার প্রস্তাব রয়েছে। স্বাস্থ্য পরিষেবার সঙ্গে শিক্ষা, গবেষণা এবং চিকিৎসা-পর্যটনকেও যুক্ত করার পরিকল্পনা রয়েছে। কলকাতার চিকিৎসা-পরিকাঠামোয় এমন বিনিয়োগের গুরুত্ব অস্বীকার করা যায় না।

কিন্তু এখানেই হিসাবের খাতা খুলতে হবে। সরকারের হিসাবে জমির চরিত্র পরিবর্তন ও আনুষঙ্গিক ছাড় মিলিয়ে প্রায় ১,৯৬৭ কোটি টাকার রাজস্ব-সুবিধা দেওয়া হচ্ছে। আবার হাসপাতাল, স্বাস্থ্য পরিষেবা, কর্মসংস্থান, শিক্ষা-গবেষণা ও চিকিৎসা-পর্যটন মিলিয়ে বছরে ৪,০৮৫ কোটি টাকার বেশি ‘মুদ্রায় পরিমাপযোগ্য সুবিধা’র পূর্ণাঙ্গাস রয়েছে। দুটিই সরকারের হিসাব, বাস্তব প্রাপ্তি নয়। অতএব প্রশ্নটি সরল, ছাড় কত, বিনিময়ে নিশ্চিত প্রতিশ্রুতি কত? কর্মসংস্থানের সংখ্যা কত? সময়সীমা কী? প্রকল্প পিছোলে বা প্রতিশ্রুতি পূরণ না হলে সরকারের সুরক্ষা কোথায়? বড় বিনিয়োগের জন্য সুবিধা দেওয়া যেতে পারে, কিন্তু তার শর্তও জনসমক্ষে থাকা উচিত। বিদ্যুতের ক্ষেত্রে পুরুলিয়ার সাঁওতালডিতে ১, ৬০০ মেগাওয়াটের প্রকল্প নিয়ে আদানি গোষ্ঠীর আগ্রহের কথা সামনে এসেছে। কিন্তু এটিকে এখনও আদানির চূড়ান্ত প্রকল্প বলা যাবে না। জমি, বিনিয়োগ, বিদ্যুৎ কেনার কাঠামো ও অনুমোদনের একাধিক ধাপ বাকি। অর্থাৎ এটি সম্ভাবনা, বাস্তবায়ন নয়।

বন্দরের ছবিটিও একই। তাজপুরের গভীর সমুদ্রবন্দর থেকে সরে এসে এখন পূর্ব মেনিানীপুরের দাদনপাত্রবার সামনে এসেছে। আদানি গোষ্ঠী এলাকা সমীক্ষা করেছে এবং দরপত্র হলে অংশ নেওয়ার আগ্রহ দেখিয়েছে বলে মুখ্যমন্ত্রী জানিয়েছেন। প্রায় ১,৭০০ একর জমির কথা উঠে এসেছে। কিন্তু এখনও বন্দর নির্মাণ শুরু হয়নি। একটি গভীর সমুদ্রবন্দর মানে শুধু জাহাজ নয়, রেল, রাষ্ট্র স্তা, গুদাম, লজিস্টিক্স এবং শিল্পাঞ্চলের বিস্তার। তাই



এখানে জমি, উপকূল, মৎস্যজীবী ও পরিবেশের প্রশ্নও সমান গুরুত্বপূর্ণ।

কল্যাণীর গ্রিনফিল্ড বিমানবন্দরও এখনও সম্ভাবনা। দরপত্র হলে আদানি গোষ্ঠী অংশ নেবে বলে আগ্রহ জানিয়েছে। রাজ্য ইতিমধ্যে প্রায় ২,০০০ একর জমি নিয়ে নয়টি মৌজায় প্রাথমিক কাজ শুরু করেছে। বিস্তারিত প্রকল্প- প্রতিবেদন ও নির্মাণসূচি এখনও চূড়ান্ত হয়নি। ফলে এখানেও আগ্রহকে বিনিয়োগের সঙ্গে গুলিয়ে ফেলা ঠিক হবে না।

উত্তরবঙ্গেও পর্যটন- পরিকাঠামো নিয়ে গোষ্ঠীর সমীক্ষার কথা সরকারি সূত্রে এসেছে। প্রকল্পের স্থান, ধরন বা বিনিয়োগ এখনও স্পষ্ট নয়। অর্থাৎ এখানেও একই নিয়ম প্রযোজ্য, সমীক্ষা মানেই প্রকল্প নয়। নিউ টাউনের জমিটি আগে ডেটা সেন্টারের জন্য নির্ধারিত ছিল, পরে হাসপাতালের দিকে যাওয়ার সিদ্ধান্ত হয়েছে। এই পরিবর্তনের কারণ এবং জমি ব্যবহারের অর্থনৈতিক যুক্তিও স্বচ্ছ হওয়া দরকার। কারণ সরকারি জমি বা সুবিধার চরিত্র বদলালে তার যুক্তি, শর্ত এবং জনস্বার্থের হিসাবও প্রকাশ্যে থাকা উচিত। রিং রোড নিয়েও আলোচনা আছে, কিন্তু আদানি গোষ্ঠীর অংশগ্রহণ এখনও নিশ্চিত নয়। ফলে সেটিকেও সম্ভাবনার তালিকাতেই রাখতে হবে।

আর আছে বাংলার স্মৃতি। রাইটার্স ব্লিঙ্গ সংস্কারে

আদানি গোষ্ঠীর আগ্রহের কথা সামনে এসেছে। সম্ভাব্য ব্যয় প্রায় ১২০ কোটি টাকা, কর্পোরেট সামাজিক দায়বদ্ধতার অর্থে কাজটি হতে পারে। কুমারটুলি ঘাটের পুনর্বিকাশও প্রস্তাবিত। রাইটার্স শুধু একটি ভবন নয়, বাংলার প্রশাসনিক ইতিহাসের জীবন্ত দলিল। কুমারটুলি শুধু একটি ঘাট নয়, কলকাতার নদী, শিল্প ও সংস্কৃতির স্মৃতি। এই প্রকল্পগুলিতে অর্থের পাশাপাশি ঐতিহ্যের প্রতি দায়ও জরুরি।

সব মিলিয়ে ছবিটি তাই তিন স্তরের। হাসপাতাল বাস্তবায়নের পথে নিশ্চিত প্রকল্প। দাদনপাত্রবার, কল্যাণী, সাঁওতালডি, প্রক্সিয়া বা সম্ভাবনার বিভিন্ন স্তরে। রিং রোডের মতো কিছু উদ্যোগ, আলোচনার পর্যায়ে। এই পার্থক্য না রাখলে বিনিয়োগের প্রকৃত ছবিই অস্পষ্ট হবে। আর একটি বিষয় ভুললে চলবে না। বড় গোষ্ঠীর বিনিয়োগ তখনই বাংলার শিল্পায়নের ভিত্তি শক্ত করবে, যখন তার চারপাশে ছোট ও মাঝারি শিল্পের শৃঙ্খল তৈরি হবে। হাসপাতাল, বন্দর বা বিদ্যুৎকেন্দ্রের মূল প্রকল্প কয়েক হাজার কোটি টাকা ঢুকলেই হবে না, স্থানীয় সরবরাহকারী, পরিষেবা, দক্ষ শ্রম এবং উদ্যোগপতিদের জন্যও দরজা খুলতে হবে। নইলে বড় বিনিয়োগ বাংলায় দাঁড়িয়েও বাংলার অর্থনীতির গভীরে পৌঁছবে না।

আর এখানেই সরকারের আসল পরীক্ষা। শিল্পপতি বিনিয়োগ করলে সরকারের দায় কমে না, বাড়ে। জমি যদি

সরকার দেয়, করছাড় যদি সরকার দেয়, রাস্তা-রেল-বিদ্যুতের সহায়তা যদি সরকারকে দিতে হয়, তবে প্রতিটি সুবিধার বিনিময়ে বাংলার প্রাপ্তির হিসাব চাই। কত সরাসরি চাকরি? কত স্থানীয় কর্মসংস্থান? কত ক্ষুদ্র ও মাঝারি শিল্প যুক্ত হবে? পরিবেশের ক্ষতি হলে দায় কার? নির্ধারিত সময়ে কাজ না হলে ছাড়ের কী হবে? এই প্রশ্নগুলি শিল্পবিরোধী নয়, বরং শিল্পকে জনস্বার্থের সঙ্গে যুক্ত রাখার নূনতম শর্ত।

বাংলা শিল্প চায়। পুঁজি চায়। কাজ চায়। যে তরুণকে চাকরির জন্য অন্য রাজ্যে যেতে হয়, তার কাছে একটি কারখানা কেবল বিনিয়োগ নয়, ভবিষ্যতের সম্ভাবনা। যে জেলায় প্রকল্প হবে, সেখানকার মানুষের কাছেও উন্নয়ন মানে শুধু কোটি টাকার ঘোষণা নয়, রাস্তা, হাসপাতাল, শিক্ষা, পরিবহণ এবং স্থায়ী জীবিকা। তাই বাংলার দরজা খুলুক। বড় শিল্প আসুক। আদানি আসুক, অন্য গোষ্ঠীও আসুক। কিন্তু দরজা খোলার সঙ্গে হিসাবের খাতাটিও খুলতে হবে। বাংলা আর শুধু শিলান্যাসের ছবি চায় না, চায় নির্মাণ, উৎপাদন, কর্মসংস্থান এবং দৃশ্যমান ফল। আদানি বাংলার দিকে তাকিয়েছেন,এটি খবর। এখন বাংলারও তাকিয়ে থাকা উচিত তাঁদের কাজের দিকে। কারণ শেষ প্রশ্নটি আদানি কত বিনিয়োগ করবেন, তা নয়। প্রশ্নটি হল, সেই বিনিয়োগের বিনিময়ে বাংলা কতটা পাবে।

যৌথ পরিবার এবং সনাতনী সংস্কৃতির অবক্ষয় রোধে কুটুম্ব
প্রবোধনের ওপর জোর দিয়েছে রাষ্ট্রীয় স্বয়ংসেবক সঙ্ঘ

সোমা মুখোপাধ্যায়

ভারতীয় সভ্যতা, ইতিহাস, সংস্কৃতি, মূল্যবোধগুলিকে নতুন প্রজন্মের কাছে তুলে ধরতে রাষ্ট্রীয় স্বয়ং সেবক সঙ্ঘ পরিবার কুটুম্ব প্রবোধনের ওপর জোর দিয়েছে। কুটুম্ব প্রবোধন যার অর্থ হলো পারিবারিক জাগরণ বা পারিবারিক মূল্যবোধকে শক্তিশালী করা। রাষ্ট্রীয় স্বয়ংসেবক সংঘ বা আরএসএস-এর মতো পরিবার হলো সমাজের মূল ভিত্তি যেখানে সুস্থ সমাজ গঠনে পরিবারের ভূমিকা অপরিহার্য। বিশ্বায়ন এবং আধুনিক প্রযুক্তির প্রভাবে ভারতীয় যৌথ পরিবার ও সনাতন সংস্কৃতির যে অবক্ষয় ঘটছে তা রুখতেই এই কর্মসূচির সূচনাআরএসএস-এর শতবর্ষ উদ্‌যাপনের লক্ষ্য হিসেবে এই বিষয়টিকে বিশেষ কর্মসূচির (পঞ্চ পরিবর্তন) অন্তর্ভুক্ত করা হয়েছে।

কুটুম্ব প্রবোধন-এ মূল ৬টি স্তরের উল্লেখ করা হয়েছে ১. ভাষা পরিবারের সদস্যদের মধ্যে মাতৃভাষার চর্চা করা। ২. ভূষা স্বদেশী বা শালীন পোশাক পরিধানের অভ্যাস। ৩. ভজন ঈশ্বর আরাধনা বা আধ্যাত্মিক পরিবেশ বজায় রাখা।৪.ভোজন সপ্তাহে অন্তত একদিন পরিবারের সবাই মিলে একসঙ্গে বসে খাবার খাওয়া এবং গল্প করা। ৫. ভ্রমণ পরিবারের সঙ্গে মাঝে মাঝে কোথাও ঘুরতে যাওয়া এবং সময় কাটানো।

৬. ভবন বাড়িকে এমন এক আবহে রাখা যেখানে ভারতীয় সংস্কৃতি, অতিথি দেবো ভব এবং গুরুজনদের প্রতি শ্রদ্ধা প্রকাশ পায়। সহজ কথায় সংঘ পরিবার তথা আরএসএস দেশব্যাপী সাধারণ প্রতিটি ঘরের পারিবারিক বন্ধনকে দৃঢ় করার একটি প্রচেষ্টা চালাচ্ছে। বলা হয়, যে পরিবার একসঙ্গে খায়, সে পরিবার ঐক্যবদ্ধ



থাকে। রাষ্ট্রীয় স্বয়ংসেবক সংঘ (আরএসএস) এখন ‘পারিবারিক সময়’-এর এই ধারণাটিকে পুনরুজ্জীবিত করার চেষ্টা করছে। এই লক্ষ্যে তারা ‘কুটুম্ব প্রবোধন’ চালু করেছে।

আরএসএস কর্মীরা যখন অন্য শহরে যান তখন তাঁরা হোটেলের পরিবর্তে সহকর্মীদের বাড়িতে থাকেন। আরএসএস-এর মতে, এটি একে অপরের পরিবারকে জানার একটি সুযোগ। পারিবারিক বন্ধন দৃঢ় করার লক্ষ্যেই কুটুম্ব প্রবোধন শুরু করা হয়েছে।রাষ্ট্রীয় স্বয়ং সেবক সংঘের পঞ্চ পরিবর্তনের মধ্যে প্রধান একটি দিক হল রাষ্ট্রের উন্নয়নে পারিবারিক জ্ঞান বা কুটুম্ব প্রবোধন।

পারিবারিক মূল্যবোধ ছাড়া অর্থনৈতিক অগ্রগতির কোনও অর্থ হয় না। সুপ্রাচীনকাল থেকেই ভারত পরিবার এবং সমাজের মধ্যে বিশেষ সমন্বয়ের মধ্যে দিয়ে চলে আসছে। পরিবার সমাজ এবং রাষ্ট্রের ভাবনায় কুটুম্ব প্রবোধন একান্ত প্রয়োজন। যৌথ পরিবার সংগঠিত পরিবার, নিরাপদ পরিবার এবং সমৃদ্ধ পরিবার হল সুখি পরিবার সুস্থ পরিবারের ভিত্তি। পাশ্চাত্য সভ্যতার প্রভাবে ভারতীয় দেশীয় সভ্যতা, সংস্কৃতি এবং মূল্যবোধের উপর চরম প্রভাব পড়েছে। সামাজিক মাধ্যমের নানা ভারতীয় সংস্কৃতির ঐতিহ্য, পরম্পরা, সংস্কৃতির মূলে বিদেশি শক্তি বারবার আঘাত করছে। দেশীয় সংস্কৃতির ঐতিহ্য এবং

মূল্যবোধকে বাঁচিয়ে রাখতে সঙ্ঘ পারিবারিক মূল্যবোধের কথা বলেছে। উত্তর প্রজন্মের কাছে পরিবারবোধ, আত্মিকতাবোধকে ভালো করে বোঝানো একান্ত প্রয়োজন এটাই সঙ্ঘের মন্ত্র।

যৌথ পরিবারের ক্ষেত্রে ভারত এক সময় মহৎ ছিল। কিন্তু নগরায়ন, লর্ড মেকলের শিক্ষানীতি, সামাজিক মাধ্যম আমাদের সমাজকে ভিতর থেকে ভেঙে দেওয়ার চেষ্টা করেছে। পরিবার থেকে মানুষকে ক্রমে ক্রমে বিছিন্ন করেছে। দাম্পত্য জীবনের অশান্তি, বিচ্ছেদ, নিউক্লিয়ার জীবন, সিঙ্গেল মা, সিঙ্গেল বাবাদের সংখ্যা ব্যাপক বেড়েছে। মানুষের পারিবারিকবোধে যে একান্ত ভাবনা ছিল তা ধীরে ধীরে ক্ষয়িষ্ণু হয়ে পড়ছে। আর তাই সঙ্ঘ পারিবারিকবোধের উপর জোর দিয়েছে।

২০১৯ থেকে ২০২১ সালের এনএফএইচএস-৫-তে বলা হয়েছে একক পরিবারের অনুপাত ভারতে ৫৮.২ শতাংশ। দম্পত্তির মধ্যে জটিল উদ্বেগ, মানসিক চাপ, দ্বন্দ্ব, সন্তান পরিচালনা, শিশুদের নৈতিক মূল্যবোধের ক্ষেত্রে বড় প্রভাব ফলেছে। লিভ ইন সম্পর্ক সম্পূর্ণ ভাবে ব্যক্তি এবং পরিবারের জন্য ভয়াবহ রূপ নিয়েছে।

যার ফলে প্রকৃতি সুলভ আচরণের সম্পূর্ণ বিপরীত সম্পর্ক তৈরি হয় এবং আমাদের জন্য যারা চিন্তা করে তাদের প্রতি চিন্তার অবসরকে ধ্বংস করে দেয়। আবার পরিবার না থাকলে একাকীত্ব, বিষণ্ণতা, উদ্বেগের প্রভাবও বেশি বেশি হয়। শিশু এবং বয়স্কদের মনে এবং শরীরে খুব প্রভাব পড়ে। নীতি-নৈতিকতার অভাব হয় পরিবারবোধ না থাকলে। তাই সঙ্ঘ মনে করে সমাজকে নির্মাণ করতে গেলে ব্যক্তি, পরিবার, দেশ এবং রাষ্ট্রে পারিবারিকবোধ একান্ত জরুরি।

মননের আলো

অধ্যাপক স্বপন কুমার মণ্ডল

১৯
২০
২১
২২
২৩
২৪
২৫
২৬
২৭
২৮
২৯
৩০
৩১
৩২
৩৩
৩৪
৩৫
৩৬
৩৭
৩৮
৩৯
৪০
৪১
৪২
৪৩
৪৪
৪৫
৪৬
৪৭
৪৮
৪৯
৫০
৫১
৫২
৫৩
৫৪
৫৫
৫৬
৫৭
৫৮
৫৯
৬০
৬১
৬২
৬৩
৬৪
৬৫
৬৬
৬৭
৬৮
৬৯
৭০
৭১
৭২
৭৩
৭৪
৭৫
৭৬
৭৭
৭৮
৭৯
৮০
৮১
৮২
৮৩
৮৪
৮৫
৮৬
৮৭
৮৮
৮৯
৯০
৯১
৯২
৯৩
৯৪
৯৫
৯৬
৯৭
৯৮
৯৯
১০০



এখন মন খুলে গীতাপাঠ করুন, গীতা বিতরণ করুন। হনুমান চালিশা পাঠ করুন, শাঁখ, মৃদঙ্গ, খঞ্জনি বাজান, হরেকৃষ্ণ বলুন। কোনও ভয় নেই। মৌসমও বদলে গিয়েছে, জমানাও বদলে গিয়েছে। টিকা, শিখা, ধুতি, তুলসির সরকার প্রতিষ্ঠা হয়েছে। গো মাতাকে রক্ষা করার সরকার ক্ষমতায়। একদম ভয় পাবেন না। সবাইকে এক থাকতে হবে।

গুণেন্দ্র অধিকারী, মুখ্যমন্ত্রী, পশ্চিমবঙ্গ

লেখা পাঠান

সময়োপযোগী উত্তর সম্পাদকীয় লেখা পাঠান। যে কোনও বিষয়ে আপনার মতামত বা অভিযোগ জানিয়ে পাঠান চিঠিপত্র। অবশ্যই Unicode-এ টাইপ করে পাঠাতে হবে।

email : dailyekdin1@gmail.com

উগ্রপন্থীদের গুলি বর্ষণে মৃতের সংখ্যা বেড়ে দাঁড়াল ৩ হাজার ৩০০

ইফল, ২৭ সেপ্টেম্বর: মণিপুরের সেনাপতি জেলায় শনিবার সন্দেহভাজন উগ্রপন্থীদের চালানো গুলিতে মৃতের সংখ্যা বেড়ে ৩ হয়েছে। এই ঘটনায় গুরুতর আহত দুই সাধারণ নাগরিকের মধ্যে একজন রবিবার ভোরে শেষ নিঃশ্বাস ত্যাগ করেছেন।

আধিকারিকরা জানিয়েছেন, মৃতের নাম আশিহো সানি (৪৯)। রবিবার ভোর প্রায় তিনটে নাগাদ একটি বেসরকারি হাসপাতালে চিকিৎসাধীন অবস্থায় তাঁর মৃত্যু হয়।

উল্লেখ্য, শনিবার দুপুরে সেনাপতি এলাকার কালেনজাং গ্রামে আয়োজিত এক গুলিবর্ষণের ঘটনায় দু'জন নাগা নাগরিকের ঘটনাস্থলেই মৃত্যু হয়েছিল। নিহতদের পরিচয় পাওয়া গেছে; তাঁরা হলেন চাওওয়ইনামাই গ্রামের বাসিন্দা রকি এবং লাই শিরাকি গ্রামের বাসিন্দা কুমার। একটি ঘটনায় আহত আদানি ম্যানিওর (৩৩) হাসপাতালে চিকিৎসা চলছে।



ঘটনার খবর পেয়েই পুলিশ এবং নিরাপত্তারক্ষীদের বিশেষ টিম ঘটনাস্থলে পৌঁছয়। সমগ্র ঘটনার

দাবির সত্যতা স্বাধীনভাবে যাচাই করা সম্ভব হয়নি। ইউনাইটেড নাগা কাউন্সিল (ইউএনসি) দ্বারা রাজ্যের জাতীয় মহাসড়কগুলিতে দীর্ঘ চার মাস ধরে চলা অর্থনৈতিক অবরোধ স্থগিত করার ঘোষণার মাত্র কয়েক ঘণ্টা আগেই এই মর্মান্তিক ঘটনাটি ঘটে।

অন্য একটি পৃথক ঘটনায়, এর দু'দিন আগে কামজং জেলার পিলং গ্রামে ভারত-মিয়ানমার সীমান্তের কাছে চারজন তাংখুল নাগা নাগরিকের হামলায় মৃত্যু হয়েছিল। চলতি সেপ্টেম্বর মাসে মণিপুরের তামেংলং, কাংপোকপি, নোনি এবং কামজং জেলায় পৃথক পৃথক গুলিবর্ষণের ঘটনায় অন্তত ১৩ জনের মৃত্যুর খবর পাওয়া গিয়েছে।

মণিপুরের প্রাক্তন মুখ্যমন্ত্রী এন বীরেন সিং এই হত্যাকাণ্ডের তীব্র নিন্দা জানিয়ে দোষীদের বিরুদ্ধে কঠোর আইনি পদক্ষেপের দাবি জানিয়েছেন। সোশ্যাল মিডিয়ায় দেওয়া এক বার্তায় তিনি দাবি করেন, চলতি বছরে রাজ্যে এ পর্যন্ত ৬০ জনেরও বেশি মানুষ প্রাণ হারিয়েছেন।

গুয়াহাটিতে সিজিপির কয়েকজন নেতাকে হেপাজতে নিল পুলিশ

গুয়াহাটি, ২৭ সেপ্টেম্বর: অসমের দিশপুৰে সচিবালয়ের কাছে 'কাকরোচ জনতা পার্টি'র (সিজিপি) প্রথম আঞ্চলিক স্বেচ্ছাসেবক বৈঠক শুরু হওয়ার ঠিক আগেই রবিবার সিজিপির সহ-আস্থায়ক আশুতোষ রান্ধা এবং সংগঠনের বেশ কয়েকজন নেতা ও কর্মীকে হেপাজতে নেয় অসম পুলিশ।

সিজিপি নেতারা জানিয়েছেন, আশুতোষ রান্ধা, অঙ্কিত ভরদ্বাজ এবং প্রেম আকাশ সহ সংগঠনের শীর্ষ নেতাদের পাশাপাশি অসমের একাধিক স্বেচ্ছাসেবককে পুলিশ হেপাজতে নিয়ে কোনও অজ্ঞাত স্থানে স্থানান্তরিত করেছে।

সংগঠনের পক্ষ থেকে অভিযোগ করা হয়েছে যে, রবিবার সকাল থেকেই পুলিশ অন্তর্নানস্থলে যাওয়ার রাস্তা অবরুদ্ধ করে রেখেছিল, যার ফলে পাহাড়ের ওপর নির্ধারিত সভাস্থলে স্বেচ্ছাসেবকরা পৌঁছতে পারেননি। সংগঠনের দাবি অনুযায়ী, সমগ্র অঞ্চল থেকে প্রায় ২০০ থেকে ৩০০ জন স্বেচ্ছাসেবককে সেখানে একত্রিত করার পরিকল্পনা নেওয়া হয়েছিল।

উল্লেখ্য, রাইজের দলের প্রধান তথা বিধায়ক অখিল গগৈয়ের সঙ্গে শনিবার গুয়াহাটিতে সিজিপি নেতা আশুতোষ রান্ধা- অন্যান্য শীর্ষ



নেতাদের একটি বৈঠক হয়। উক্ত বৈঠকে অসমের সাম্প্রতিক বন্যা পরিস্থিতি এবং রাজ্যে সিজিপি-র সাংগঠনিক কার্যক্রম বাড়ানোর নানা পরিকল্পনা নিয়ে আলোচনা হয়েছিল। পুলিশি হেপাজতে যাওয়ার সময় সাংবাদিকদের মুখোমুখি হয়ে

আশুতোষ রান্ধা অভিযোগ তোলেন যে, রাজ্যের সরকারি স্কুলগুলির করণ দশা নিয়ে তাঁদের প্রচার অভিযান জনসমক্ষে চলে আসবে, এই আশঙ্কাত্তেই অসমের মুখ্যমন্ত্রী ড. হিমন্ত বিশ্ব শর্মার নির্দেশে এই পদক্ষেপ নেওয়া হয়েছে।

একাধিক দেশের বিদেশমন্ত্রীদের সঙ্গে সাক্ষাৎ এস জয়শঙ্করের

নিউইয়র্ক ও নয়াদিল্লি, ২৭ সেপ্টেম্বর: ভারতের বিদেশমন্ত্রী এস জয়শঙ্কর শনিবার (স্থানীয় সময়) ৮-১ তম রাষ্ট্রসংঘের সাধারণ পরিষদের (ইউএনজিএ) অধিবেশন চলাকালীন কানাডা, মেক্সিকো ও ভেনিজুয়েলার বিদেশমন্ত্রীদের সঙ্গে পৃথক পৃথক বৈঠক করেছেন। জয়শঙ্কর এক্সেপোস্ট করে ছবি-সহ এই তথ্য শেয়ার করেন।

ভারতের বিদেশমন্ত্রী জয়শঙ্কর জানান, তিনি কানাডার বিদেশমন্ত্রী অনিতা আনন্দের সঙ্গে সাক্ষাৎ করেন এবং তাঁদের মধ্যে গঠনমূলক আলোচনা হয়েছে। দুই পক্ষই নিজেদের দ্বিপাক্ষিক সম্পর্ককে আরও উচ্চপর্যায়ে নিয়ে যেতে প্রস্তুত।

জয়শঙ্কর মেক্সিকোর বিদেশমন্ত্রী রবার্তো ভেলাস্কো আলভারের সঙ্গে তার বৈঠকের বিষয়েও জানিয়েছেন। তিনি আরও জানান, রাষ্ট্রসংঘের সদর দফতরে ভেনিজুয়েলার বিদেশমন্ত্রী ফেলিক্স প্লাসেনসিয়া গঞ্জালেসের সঙ্গে তাঁর অত্যন্ত ভালো একটি বৈঠক হয়েছে। দুই দেশের মধ্যে জ্বালানি ক্ষেত্রে সম্পর্ক দ্রুত গতিতে এগিয়ে চলেছে।

জয়শঙ্কর বলেন, 'দ্বিপাক্ষিক সহযোগিতার অন্যান্য ক্ষেত্রের পাশাপাশি আমাদের জ্বালানি ক্ষেত্রের সম্পর্কও দ্রুত অগ্রসর হচ্ছে। আমরা বর্তমান

আঞ্চলিক নানা বিষয়েও আলোচনা করছি।' উল্লেখ্য, এর আগে জয়শঙ্কর ৮-১-তম রাষ্ট্রসংঘের সাধারণ পরিষদে বক্তব্য রাখেন। তিনি বলেন, ভারত আর্টফিশিয়াল ইন্টেলিজেন্সকে (এআই) গ্লোবাল সাউন্ডের সঙ্গে তাদের অংশীদারিত্বের কর্মসূচির একটি গুরুত্বপূর্ণ অংশ মনে করে। মানব ক্ষমতায়ন, অর্থনৈতিক সমৃদ্ধি এবং জনসংখ্যা-সংক্রান্ত সমস্যাগুলো সমাধানের ক্ষেত্রে এআই এক বৈপ্লবিক ভূমিকা পালন করছে। তিনি প্রযুক্তির গণতন্ত্রকরণ এবং সাংস্কৃতিক বোঝাপড়ার প্রয়োজনীয়তার ওপরও জোর দেন।

তেল আভিভ, ২৭ সেপ্টেম্বর: শত্রুর শেষ রাস্তাতে নেই। এই প্রতিরক্ষা নীতি যে নিছক কথার কথা নয় তা আরও একবার প্রমাণ করল ইজরায়েল। ৭ অক্টোবরের হামলায় ইজরায়েলের এক তরুণীকে অপহরণ করে নিয়ে যেতে দেখা গিয়েছিল এক হামাস কমান্ডারকে। ৩ বছর পর গাজায় অভিযান চালিয়ে তাকে খতম করল ইজরায়েল সেনা ও শিন বেত। জানানো হয়েছে, মধ্য গাজার নুসেইরাত এলাকায় অভিযান চালিয়ে খতম করা হয়েছে শাহের নিপাল সাকর নামে ওই হামাস যোদ্ধাকে। ইজরায়েলের সেনাবাহিনীর তরফে জানানো হয়েছে, সাকর নামে

ওই জঙ্গি হামাসের জেহাদি সংগঠনের সঙ্গে যুক্ত ছিল। ২০২৩ সালের ৭ অক্টোবর ইজরায়েলে ভয়ংকর হামলায় সক্রিয় ভূমিকা নিয়েছিল এই সন্ত্রাসী। নোভা মিউজিক ফেস্টিভ্যালের নোয়া আরঘামানি এবং অভিনতান ওরকেকে অপহরণ করে সাকর। সেই ঘটনার ভিডিও ফুটেজও সামনে আসে। যেখানে দেখা যায়, সাকর মোটরবাইকে করে তুলে নিয়ে যাচ্ছে আরঘামানিকে। অবশেষে ইজরায়েলের হাতে খতম হল এই জঙ্গি।

২০২৩ সালের ৭ অক্টোবর ইজরায়েলে ভয়ংকর হামলায় সক্রিয়

ভূমিকা নিয়েছিল এই সন্ত্রাসী। নোভা মিউজিক ফেস্টিভ্যালের নোয়া আরঘামানি এবং অভিনতান ওরকেকে অপহরণ করে সাকর। সেই ঘটনার ভিডিও ফুটেজও সামনে আসে। যেখানে দেখা যায়, সাকর মোটরবাইকে করে তুলে নিয়ে যাচ্ছে আরঘামানিকে। অবশেষে ইজরায়েলের হাতে খতম হল এই জঙ্গি।

২০২৩ সালের ৭ অক্টোবর ইজরায়েলে ভয়ংকর হামলায় সক্রিয়

খতম করল সেখানকার সেনা। উল্লেখ্য, ২০২৩ সালের ৭ অক্টোবর ইজরায়েলের মাটিতে ভয়ংকর হামলা চালিয়েছিল হামাস জঙ্গিরা। একাধিক টার্গেটের পাশাপাশি হামাসের অন্যতম লক্ষ্য ছিল নোভা উৎসব। সেখানে বহু মানুষকে নির্বিচারে হত্যার পাশাপাশি কয়েকশো মানুষকে অপহরণ করা হয়। তাঁদের মধ্যেই একজন ছিলেন আরঘামানি। দেখা যায় তাঁকে বাইকে তুলে নিয়ে যাচ্ছে হামাস জঙ্গিদের সঙ্গে ঘনিষ্ঠভাবে কাজ করছিল ওই সন্ত্রাসী। তবে ইজরায়েলের ওপর বড়সড় কোনও হামলা ঘটান আগে এই সন্ত্রাসীকে



চার বছরের আক্ষেপ মুছে এশিয়াডে রূপো তিলোত্তমার



নিজস্ব প্রতিবেদন: চার বছর আগেও নামটা ভারতীয় গুটিং মহলে বেশ পরিচিত হয়ে উঠেছিল। বয়স তখন মাত্র ১৪। বেসালুগুপ্রবাসী বাঙালি কিশোরী তিলোত্তমা সেন বিশ্ব জুনিয়র চ্যাম্পিয়নশিপে জোড়া পদক জিতে বুঝিয়ে দিয়েছিলেন, ভবিষ্যতে বড় মঞ্চে তাঁর জন্য অপেক্ষা করছে আরও বড় সাফল্য। পরের বছর এশিয়ান চ্যাম্পিয়নশিপে নজরকাড়া পারফরম্যান্সের পর বিশ্বকাপে রূপোও এসেছিল তাঁর বুলিতে। প্যারিস অলিম্পিকের কোটা অর্জন করে সেই সময়ই ভারতীয় গুটিংয়ে নিজের জায়গা আরও পোক্ত করেছিলেন তিলোত্তমা।

স্বাভাবিক ভাবেই ২০২৩ সালের এশিয়ান গেমসে তাঁর জায়গা পাওয়া নিয়ে প্রত্যাশা ছিল। কিন্তু শেষ পর্যন্ত জাতীয় গুটিং ফেডারেশনের দল নির্বাচনের নীতির কারণে হাংকৌয়ের বিমানে উঠতে পারেননি তিনি। জাতীয় ট্রায়ালে ভালো ফল করেও এশিয়াডের মঞ্চ থেকে দূরে থাকতে হয়েছিল তাকে। সেই না-পাওয়ার যন্ত্রণা এতদিন মনে ছিল। অবশেষে জাপানের নাগোয়ায় সিরিজ ৯.৪ স্কোর তাঁকে পিছিয়ে দেয়। শেষ পর্যন্ত মাত্র ০.৮ পয়েন্টের ব্যবধানে ব্রোঞ্জ জয়ের সুযোগ

পদক। ৫০ মিটার রাইফেল থ্রি পজিশনের দলগত ইভেন্টে রূপো জিতেছে ভারত। ১৭৬৩ পয়েন্ট সংগ্রহ করা সেই দলে তিলোত্তমার সঙ্গে ছিলেন অসি টোকসি এবং ভিদার্মা কোচালুমকাল। প্রথম এশিয়াডেই পদক জিতে স্বাভাবিকভাবেই উচ্ছ্বসিত বাংলার মেয়ে। নাগোয়া থেকে হোয়াটসঅ্যাপ কলে নিজের পুরনো আয়াক্সের কথাও জানিয়েছেন তিনি। তাঁর কথায়, আগের এশিয়ান গেমসের জন্য জাতীয় ট্রায়ালে তিনি তৃতীয় হয়েছিলেন। কিন্তু একজন সিরিজ ৯.৪ স্কোর তাঁকে পিছিয়ে দেয়। শেষ পর্যন্ত মাত্র ০.৮ পয়েন্টের ব্যবধানে ব্রোঞ্জ জয়ের সুযোগ

হাতছাড়া হয়। নিজের সেই পারফরম্যান্স বিশ্লেষণ করে তিলোত্তমা জানিয়েছেন, এখনও পুরো বিষয়টি তাঁর কাছে পরিষ্কার নয়। তাঁর মনে হয়েছে, ফাইনালে হয়তো একটু বেশি তাড়াতাড়ি করে ফেলেছিলেন। তবে সেই ভুল থেকেই শিক্ষা নিয়ে ভবিষ্যতের ফাইনালের জন্য আরও ভালোভাবে প্রস্তুতি নেওয়ার সংকল্প করেছেন তিনি।

এশিয়ান গেমসে গুটিংয়ে ভারতের হয়ে সর্বকনিষ্ঠ পদকজয়ী হওয়ার নজিরও গড়েছেন তিলোত্তমা। ফলে রূপোর এই পদকের গুরুত্ব তাঁর কাছে আরও বেশি। একই সঙ্গে ব্যক্তিগত ইভেন্টের হতাশার মধ্যেও তিলোত্তমা দিক খুঁজে নিচ্ছেন তিনি। প্রথম এশিয়াড থেকে অন্তত একটি পদক নিয়ে ফিরছেন এই ভাবনাই তাকে এগিয়ে যেতে সাহায্য করছে।

তিলোত্তমার চোখ এখন আরও বড় লক্ষ্যে। ২০২৮ সালের লস অ্যাঞ্জেলেস অলিম্পিক। প্যারিসের জন্য কোটা অর্জন করেও শেষ পর্যন্ত অলিম্পিকে যেতে পারেননি। তাই আগামী তিন বছর নিজেই সেই লক্ষ্যের জন্য তৈরি করতে চান তিনি। লক্ষ্য একটাই অলিম্পিকের মঞ্চে দেশের প্রতিনিধিত্ব করা।

জন্ম ও বেড়ে ওঠা বেসালুর্কতে হলেও তিলোত্তমার শিকড় বাংলায়। নদিয়ার চাকদহ তাঁর পৈতৃক ঠিকানা। বাবা সঞ্জিত সেন এখনও পরিবারের সঙ্গে নিয়মিত সেখানে যাতায়াত করছেন। তাই দেশের হয়ে আন্তর্জাতিক মঞ্চে তিলোত্তমার প্রতিটি সাফল্যের সঙ্গে জড়িয়ে থাকছে বাংলারও আবেগ। এশিয়াডের রূপো হয়তো তাঁর পথচলার একটি গুরুত্বপূর্ণ মাইলফলক, কিন্তু তিলোত্তমার লক্ষ্য যে আরও অনেক দূর লস অ্যাঞ্জেলেসের অলিম্পিক মঞ্চে ভারতের পতাকা তুলে ধরা।

কুলদীপের চার উইকেটে ৩০০-র আগেই থামল ওয়েস্ট ইন্ডিজ

নিজস্ব প্রতিবেদন: কুলদীপ যাদবকে নিয়ে গত কয়েক মাসে ছবিটা খুব একটা সুখের ছিল না। দলে ছিলেন, কিন্তু প্রথম একাদশে জায়গা হিচ্ছিল না। একের পর এক স্কোয়াডে নাম থাকলেও মাঠে নামার সুযোগ মিলছিল না। শ্রীলঙ্কার বিরুদ্ধে টেস্ট সিরিজে দলের সঙ্গে থেকেও দুটি ম্যাচের একটিতেও খেলার সুযোগ পাননি। এরপর এশিয়া কাপ ও এশিয়ান গেমসের দলেও জায়গা হয়নি। অফগানিস্তান সিরিজ থেকেও বাদ পড়েছিলেন তিনি। ফলে সুযোগের অপেক্ষায় ছিলেন ভারতের বাঁহাতি চ্যানাম্যান স্পিনার। অবশেষে সেই সুযোগ যখন এল, তখন নিজের জাত চিনিয়ে দিতে সময় নিলেন না কুলদীপ। তিরুঅনন্তপুরমে ওয়েস্ট ইন্ডিজের বিরুদ্ধে তাঁর ঘূর্ণিতেই ভারতীয় বোলিং আক্রমণ পেল বড় সাফল্য। একাই চারটি উইকেট তুলে নিয়ে বুঝিয়ে দিলেন, তাঁকে একাদশে রাখার মতো যুক্তি এখনও যথেষ্ট রয়েছে। ওয়েস্ট ইন্ডিজের ইনিংসও থেমে গেল ৩০০ রানের আগেই।

প্রায় আড়াই বছর পর তিরুঅনন্তপুরমে আন্তর্জাতিক ম্যাচ পিরে উত্তেজনা ছিল চোখে পড়ার মতো। ম্যাচের আগেই শহরজুড়ে তৈরি হয়েছিল ক্রিকেটের আবেহ। মাঠের বাইরে সবচেয়ে বেশি নজর কাড়ে রোহিত শর্মার ৫০ ফুটের বিশাল কাট আউট। 'অল কোরলা রোহিত শর্মা ফ্যানস অ্যাসোসিয়েশন'ের উদ্যোগে তৈরি সেই কাট আউট বুঝিয়ে দেয়, কোরলায় 'ফিটম্যান'ের জনপ্রিয়তা কতটা। বিরাট কোহলিকে ঘিরেও সমর্থকদের উৎসাহ ছিল তুঙ্গে। তাঁর সামনে ছিল একাধিক ব্যক্তিগত রেকর্ড

স্পর্শ করার সুযোগ। এমন আরবেই টস জিতে প্রথমে বোলিং করার সিদ্ধান্ত নেন ভারত অধিনায়ক শুভমান গিল। তিরুঅনন্তপুরমের পিচ নিয়ে খুব বেশি অভিযোগ ছিল না। বরং রাতের দিকে ফ্লাডলাইট জ্বলার পর ব্যাটিং কিছুটা সহজ হতে পারে, এই হিসাবেই রান তাড়া করার পরিকল্পনা নেয় ভারত।

দক্ষিণ আফ্রিকার পরের বছর ওয়ানডে বিশ্বকাপ। তার আগে দলের সম্ভাব্য ক্যপ্টেনশন নিয়ে পরীক্ষা-নিরীক্ষা চালাচ্ছে ভারত। বিভিন্ন ক্রিকেটারকে সুযোগ দিয়ে তাঁদের কার্যকারিতা যাচাই করা হচ্ছে। বিশেষ করে দক্ষিণ আফ্রিকার পরিবেশে পেসারদের বাড়তি গতি ও ধার প্রয়োজন হবে। কিন্তু ওয়েস্ট ইন্ডিজের বিরুদ্ধে ভারতীয় পেস আক্রমণে সেই আশ্বাসনের অভাবই বেশি চোখে পড়ল।

গুর্নুর ব্রার ১০ ওভারে ৬০ রান দিয়ে ফেললেন, কিন্তু পেলেন না কোনও উইকেট। নীতীশ কুমার রেড্ডির কাছ থেকেও প্রত্যাশিত পারফরম্যান্স পাওয়া গেল না। হার্ডিক পাণ্ডিয়ার বিকল্প হিসেবে যাঁকে তৈরি করার চেষ্টা চলছে, তাঁর বোলিংয়ে এদিন সেই ধার বা নিয়ন্ত্রণ দেখা যায়নি। ফলে চাপ তৈরি করার দায়িত্ব অনেকটাই দোলা যায় অন্য বোলারদের ওপর।

সেখানেই তুলনামূলক ভাবে কার্যকর ছিলেন প্রসিদ্ধ কৃষ্ণ। গুরুত্বপূর্ণ সময়ে উইকেট তুলে নিয়ে তিনি ভারতকে ম্যাচে ফিরিয়ে রাখেন। তবে দিনের সবচেয়ে বড় প্রাপ্তি নিঃসন্দেহে কুলদীপ।

এক সপ্তাহ পরেই মহারণ

ব্রাজিল-উরুগুয়ের জন্য নতুন রূপে যুবভারতী

নিজস্ব প্রতিবেদন: আর মাত্র এক সপ্তাহের অপেক্ষা। তারপরই কলকাতার মাটিতে হতে চলেছে ভারতীয় ফুটবলের অন্যতম বড় পরীক্ষা। বিবেকানন্দ যুবভারতী ক্রীড়াঙ্গনে প্যাঁচবারের বিশ্বচ্যাম্পিয়ন ব্রাজিলের বিরুদ্ধে দিন পর একই মাঠে আরও এক বিশ্বচ্যাম্পিয়ন উরুগুয়ের মুখোমুখি হবে সুনীল ছেত্রী-পরবর্তী ভারতীয় দল। ফুটবলপ্রেমীদের কাছে তাই এই আন্তর্জাতিক উদ্ভোদে নিঃসন্দেহে

বিশেষ তাৎপর্যের। ভারতীয় ফুটবলের ইতিহাসে বড় দলের বিরুদ্ধে খেলার নজির অবশ্য নতুন নয়। একটা সময়ে এশিয়ান গেমস, অলিম্পিকের মতো আন্তর্জাতিক মঞ্চে নিয়মিত দেখা যেত ভারতকে। ফ্রান্স, যুগোস্লাভিয়ার মতো ইউরোপের শক্তিশালী দলের বিরুদ্ধে খেলেছেন ভারতীয় ফুটবলের পূর্বসূরীরা। এশিয়ান গেমসেও ইরান, দক্ষিণ কোরিয়ার মতো শক্তিশালী প্রতিপক্ষকে চ্যালেঞ্জ জানিয়েছে ভারত। কিন্তু সাম্প্রতিক সময়ে বিশ্ব ফুটবলের

প্রথম সারির দলগুলির বিরুদ্ধে ভারতের মাঠে নামার সুযোগ খুব একটা আসেনি। সেই জায়গা থেকেই এবারের সূচি আলাদা। গত শুক্রবার বেসালুর্কর কান্তিরাভা স্টেডিয়ামে সদ্য বিশ্বকাপ খেলে আসা পানামার বিরুদ্ধে ১-১ গোলে ড্র করেছে ভারত। সেই ম্যাচের রেশ কাটতে না-কাটতেই এবার সামনে ব্রাজিল। আগামী সপ্তাহে যুবভারতীতে খালিদ জামিলের দলকে সামলাতে হবে বিশ্বের অন্যতম শক্তিশালী ফুটবল দলের আক্রমণভাগ।

ভলিবলের ‘শাহেনশাহ’ পবনকুমার পাটোদিয়া সম্মানিত



নিজস্ব প্রতিবেদন: কলকাতায় প্রথম আয়োজিত 'দাদাসাহেব ফালকে আইকন অ্যাওয়ার্ড ফিল্মস' ২০২৬-এ 'দশকের ক্রীড়া ও অন্তর্ভুক্তির আইকন' সম্মান পেলেন পবনকুমার পাটোদিয়া। কলকাতা থাভারবোল্টসের চেয়ারম্যান ও প্রধান মালিক পাটোদিয়ার নেতৃত্বে দলটি ২০২২-এ প্রাইম ভলিবল লিগের প্রথম মরসুমেই চ্যাম্পিয়ন হয়। স্পেশাল অলিম্পিক্স ভারত-এর জাতীয় সহ-সভাপতি পাটোদিয়া বিশেষ চাহিদাসম্পন্ন ও আদিবাসী ক্রীড়াবিদদের নিয়েও কাজ করছেন।

ভারতের জন্য স্বর্ণজয়



নিজস্ব প্রতিবেদন: ভারতীয় সেনাবাহিনীর ত্রিশজি কোরের হাবিলদার অঙ্কিত জাগলান ২০তম এশিয়ান গেমসের ফাইনালে ইরানকে ৪০-৩৪ ব্যবধানে হারিয়ে পুরুষদের কাবাডিতে ভারতের স্বর্ণপদক জয়ে গুরুত্বপূর্ণ ভূমিকা রেখে

ছেন। একজন 'লেফট-কর্নার ডিফেন্ডার' হিসেবে হাবিলদার অঙ্কিত এই শিরোপা জয়ের অভিযানে অবদান রেখেছেন, যার মাধ্যমে ভারতীয় দল এশিয়ান গেমসের পুরুষ কাবাডিতে রেকর্ড নবমবারের মতো শিরোপা জয় করল। তাঁর অদম্য মনোবল ও লড়াইয়ের মানসিকতা ভারতীয় সেনাবাহিনীর দৃঢ় সংকল্পেরই প্রতিফলন।

